

Parlamentario Glenbert Croes ta comenta riba su entrada den parlamento

ORANJESTAD – Manera cu **BON DIA ARUBA** a publica ayer, Glenbert Croes tabata minister den pasado como tambe parlamentario. El a sali for di politica algun tempo pasa, pero awor e ta bek. E biah a aki den partido MEP. El a huramenta tambe den sala di parlamento dilanti di gobernador ayer y lo ta den e fraccion di e partido geel.

FUNCION

Croes lo bay ehersce su funcion cu un compromiso renoba. Prome biah a ora el a drenta parlamento e tabata tin 6 aña. El a drenta politica cu 25 y awe e ta drenta parlamento cu 47 aña. E ta drenta parlamento cu un trayectoria di bida cu un perspectiva diferente, pero cu un sentimento di amor pa e pais, pa e pueblo, inspira pa e amor cu e tin pa su yiunan, amor di tata pa su yiunan. Esaki ta loke ta motiva, gui'e, cu fe den Dios pa asina nan por bay sirbi e porvenir y interes di nos pueblo, a maximo honra cu nos pueblo. "Ma bin Staten pa sirbi nos pueblo", Croes a bisa.

PUEBLO NA CABES

Croes: "Pueblo a pone nos eyden. Pueblo ta paga nos. Pueblo ta exige di nos pa asina nos por cumpli cu nan deseo,

nan boluntad, nan speransa, nan expectativanan pa un miho Aruba." Croes a sigui splica cu e ta haci esaki tambe pa nos futuro generacion pa asina percura pa construi un Aruba cu lo brinda nan e oportunidadnan cu nos a wordo brinda. P'esey e ta drenta parlamento bek eligi dor di pueblo, pa fraccion di MEP, cu hopi sentimento particular pasobra e ta drenta como miembro di fraccion di MEP, miembro di partido MEP, miembro di partido cu su tata a funda, inspira pa su recuerdo semper, pero realizando cu den Aruba di awe tin retonan nobo pa bay cumpli cun'e.

CU DOS PIA

Croes tin tarea y mision cu e tin cu cumpli pa e pueblo. Un cos ta sigur, e kier pa final di e 4 añanan aki cu por a bisa henter pueblo di Aruba cu e no a defrauda su confiansa. Esey lo bay ta su lucha pa e proximo cuater añanan. Croes a mostra cu e tabata tin algun tarea ora cu el a Sali for di politica. Tabata importante pa tende kico e lo haci awo cu su entrada nobo den parlamento cu dos pia, segun Croes, den partido MEP.

Croes a dicidi di drenta politica, e no a drenta cu un pia, el a

drenta cu tur dos pia. Esey ta nifica cu kico cu e por a haci den e ultimo 8 añanan como politico retira, ta pasado. El a drenta politica pa e dedica su mes exclusivamente na lucha pa e porvenir di e pueblo aki y esey ta bay ta su mision, su causa cu cual tambe e partido a encomend'e. Lo bay hiba un activismo parlamentario den bario y den pueblo. No lo bay ta den e sala pa defende so.

ALGUN PRIORIDAD

Segun Croes tin par di prioridad cu ta importante riba mesa. Tin cu percura pa e debe astronomico cu a wordo categorisa como e mega debe, sin perhudica pueblo, sin cu pueblo wordo castiga cu medida. Lucha pa baha prijs di awa y coriente cu nan vision di hydrocabel cu Chris Romero a presenta den campaña, contrario na e Green Energy cu molina di biento, cu no ta baha prijs di awa y coriente pa e pueblo aki. Amplia canasta basico pa pueblo tambe por haya alivio y mehoransa den nan bida. Tarea di parlamento ta pa alivia bida pa e famia na Aruba. Lo bay pone atencion riba combati criminalidad, percura pa salubridad publico. Atencion y cuido



medico pa nos hendenan, pa e pashentnan, pa nos famianan. Ta miho pa percura pa lucha pa inversion den enseñanza. "Nos ta salba futuro di nos patria, invertiendo den educacion," Croes a enfatisa. E ta sigui bisa cu lo bay lucha pa e tema di refinaria, cu ta e di dos pilar economico cu ta afectando enormemente e diversidad di Aruba y tambe percura pa den un bon entendimiento relacion di comprension y respet mutuo pa Hulanda.

LUCHA TA SIGUI

Lucha pa sigui fortalece,

preserva y conserva nos Status Aparte di Aruba como modelo di desaroyo pa e pais aki. El a demostra ultimo 27 añanan di tabata un exito grandi pa e patria aki. Croes ta keda kere den dje den un relacion di comprension y respet mutuo cu Hulanda. Cu e pensamiento aki, Croes ta drenta parlamento. "Mi no lo defrauda e confiansa cu pueblo a brinda.

Mi ta sumamente honra di e encomienda cu e pueblo a duna mi den e proximo 4 añanan den parlamento," el a termina bisando. □